

天一閣藏明代方志選刊

翁源縣志

嘉靖翁源縣志

一九六三年七月上海古籍
書店據寧波天一閣藏明烏
絲闌鈔本景印原書版框高
二二·〇公分寬一九·〇公分

廣東韶州府翁源縣誌

分野

星野之說昉於虞書詳於漢志大抵星之所分而屬以野其天文地理之紀固如此是以善推步者往往觀諸十二之分野參以列宿之居方則度數順逆之變而為氣稜災祥之證者無一而不符驗也然則君子可無稽天之學者乎

五嶺以南俱百粵之地為貢揚州之南境為牽牛婺女之墟自牛十一度至婺女七度星紀之次於辰在丑謂之赤奮若於律為黃鍾斗建在子吳越分野俱同翁源



亦越地其分野同於牛女

氣候

自陰陽成象剛柔成質而氣候微焉中州之氣正而帶
寒廣表遠在一隅氣候因之少異先儒生成之偏之說于
茲見矣是用志以別之以俟乎善調元者

廣以南蓋在日南之處於位屬離火之交其氣多炎且寒
暑不時昔人謂廣南風土四時俱是夏一雨便成秋翁源
魯巖已其氣候大率相類但比番禺差寒云

山川

禹貢山川各紀於州則天地間山峙川流不無可紀者

翁源山川奇勝不下他邑然而鍾英毓秀乃寥寥於甲
第者大固以特發也與

翁山去縣東一百六十里高聳秀拔頂有靈池古名靈池
山其泉有八曰湯泉溫泉香泉井泉震泉龍泉玉泉
乳泉四時不涸文獻廟碑云八泉會而為池即此也圖
經云昔有二仙翁遊息於此麗眉皓髮樵者或時見之
居民飲其水者多壽故山名翁山水名翁水後縣亦以此
名又曰西眉山亦是也

青雲山去縣東南一百里壁立磅礴與翁山上下並峙世傳
樵者時見雲霞絢爛有若臺殿人物之狀已而跡之杳

無所在

挂山下去縣北一百五十里以形似名與始興縣界先是林木蒼鬱因置巡司其下後焚於盜嘉靖己丑遷巡司於南埔其故址鄉人闢爲田

紙山去縣東南八十里山產竹可造紙故名

青龍山去縣東北一百三十里秀麗逶迤溪沅環遶平田廣野有若煙雲縹緲之狀

五指山去縣東南五十里五峯連頓如指因名

臘嶺去縣南八里高峻盤礴隆冬積雪盛夏如臘故名舊志有仙翁煉丹於此母竈猶存

小臘嶺去縣東四里端聳如貴人狀爲邑脉所始

狗耳嶺去縣北七十里抵曲江縣界兩峰對峙如狗耳嶺狀

而名中通路出曲江

九曲嶺在縣北三十里其嶺盤旋九曲

獅子嶺去縣南十五里如獅子狀故名

藤山白面石去縣南六十里有石岩可容二百人

梅巖去縣西北三十五里中可容數百人即宋進士梅鼎臣

父子世居

馬峒在縣東五里水遶山環昔閩越王子白馬王棲遁煉

丹去之基址猶存

貢峒在縣東一百四十里峻險通一徑中有田可耕

九仙嶂去縣東北九十里高二百餘仞山頂有池九石環列俗謂之九仙壇邑人黃器先有望絕頂天池詩見詞翰

羊邏去縣西北五十里兩崖對峙谷水中流連巖石逕十餘里險峻曲折不直羊揚羊邏之名始此

猱藤邏去縣南二十里宋提刑楊萬里常提兵討惡潮賊經此賦詩見詞翰

書堂石去縣東南七十里羅江水中石有邵謂者集室讀書于此後貢大學阻於時而卒降巫賦詩曰青山山下少年郎失意當特別故鄉惆悵不堪回首望隔溪遙見舊

書堂即此

寶山石去縣北三十里石山之顛僕戴一石其下有池環繞左右
水叢出泉深不可測

翁水去縣東一百一十里南至書堂瀧西與英水入涇陽出大江
銅水一名岑水在縣西北五十里傳言此水可浸鐵爲銅

鮑泉去縣北三十里山下有鉅石鳴泉瀉落珍木出禽唐時
有僧杖錫于此鮑玩不捨因名鮑石宋余襄公磨崖大書
記刻尚存見詞翰

滾泉去縣西五里泉出如滾而名

湯泉去縣東北七十里桂竹崗中四時如湯滾熱可熟物故名

疆域

裂地以爲宇分土以居民此王制也疆域明則界限嚴而
民情以安封域紊則其勢必爭亦理也今山縣聯絡未易
畫野以分但據里圖之所辦而與明者各守焉則侵竊者
有禁亡失者有稽豈不爲土宇版章之特乎

東西廣三百十里南北袤一百九十里東至河源縣界二百三十
里西至英德縣界拾里南至增城縣界三百里北至始興
縣界二百里東南至河源縣界二百里東北至龍南縣界
二百五十里西北至曲江縣界九十里陸路至本府一百十里
至省城六百里

城池

孟子策滕君築新城也鑿斯池也與民守之蓋王公設險以守其國者也故外有不可犯之勢而內有自固之圖其斯金湯之重矣若夫人在德之義又居守者之所當知也元末寨盜譚清樸巡檢司築土城及盜賊而城遂傾焉洪武元年始立翁源縣於此地天順六年通判杜宥知縣程振砌以磚成化三年知縣陶鼎創門樓三座成化十年知縣吳政復建敵樓二上座串樓四百二十三間十三年知縣宋經重修敵樓為望樓典史明彞砌子城十六年知縣顧節重修正德十年知縣黃錦主簿顧蘭

重脩嘉靖十一年知縣傅雲重脩嘉靖十六年知縣侯
仁重脩東西兩城門增月城

形勝

覽圖經之紀觀古今之蹟而於山川之委會險夷之勢區
尤立國者之所必擇也偏州小邑固非用武之地然冠城之
警無處無之其於形勝豈可緩乎是故重山複嶺爲
道龍灘其所以保於緩急者豈其微哉

縣治古多遷建今爲九藏脉原度嶠五嶺交衝同嶺延
爲倚障筆山遠作雲屏橫水瀾潏一斯干之秩秩隰
峯高聳枕岫岫之南山黃崗爲之咽狀挂丁固其扼塞

左輔以翁山之列嶺靈異出奇石瑯以年逕之迤邐韶
音通路四面行觀百里沃壤亦足為一方之上游而壯一邑
之形勝也無形之險存乎其人

沿革

古者天子建萬國親諸侯成周以前尚矣秦廢封建置郡
縣而郡邑之名始詳歷漢唐宋元建置不一所謂或合或分
者也我

明混一區宇億萬年社稷然時勢異齊不無通變之制而沿
革為可紀亦以見世道更變之自云

翁原為粵屬地唐虞三代以前供在要荒之服春秋戰

國屬楚秦間嶺表置南海郡為南海地兩漢屬桂陽
郡漢陽縣地晉屬始興郡仍漢陽地梁天監元年於洛
光縣置衡州始析漢陽縣地置翁源縣隸衡州陳又分屬
清遠郡隋廢郡仍為縣開皇九年省諸郡於始興郡
置廣州總管府翁源隸焉唐高祖武德四年翁源自
廣州析隸韶州宋景祐五年創漢陽館驛建翁源縣
於漢陽宣和二年以岑水場析曲江縣地與翁源之東
境置福建縣餘地仍為翁源俱屬韶元至元十五年
并縣入曲江以縣立巡司大德二年以縣隸英州尋隸韶
州迨至大元年縣并入曲江我

國朝洪武元年復置翁源縣屬韶州府編戶一十二里

坊表

觀市廛之列觀物阜之盛其於後造之實揚忠義之表皆不能無坊表之設矣然述其當日命名之意似非爲觀望設也煥傑作於一新垂休光於不朽掄盛美於一時應教勸於有永吾於坊表深有感焉

經魁坊在縣左爲景榮立嘉靖十年本府知府符錫重脩
太僕坊在縣治西街嘉靖十一年巡按姚虞等爲寺丞
吳世寶建嘉靖丙午知縣侯仁重脩

父子進士坊在縣治西街嘉靖十年知府符錫爲宋進

士稱昇臣佐建

里圖

成周鄉田同井以正疆界俾田有定分賦有定法今凡邑建里以統圖圖以分甲倣古制也里圖定而版籍明矣邇者頒鄉約立牌甲其一道德同風俗之機乎

里有十一

長一畝 長二畝 長三畝 長四畝 長五畝 長六畝

已上俱長安鄉

宜一畝 宜二畝 宜三畝 宜四畝 宜五畝 已上俱宜陽鄉

風俗